



Decidim Cultura

Decidim cultura

Declaracion de professionaus dera cultura peth referendum deth 1 d'octobre

Èm cultura.

Coneishem, mos bastim e mos pensam a compdar dera cultura, en tot participar-ne; en tot hèr-mos cultura. Imaginam e projectam realitats dempús dera cultura. Ei eth fundament prumèr e eth receptacle darrèr des nòstes formes particulars d'expression e dera nòsta creativitat.

Era cultura se rebat en er art de víuer. Cadun e toti amassa. E er art de víuer ei era soma d'estruments que mos permeten comprèner era vida, auer consciéncia plea dera pròpria e extrèr-ne es maximals gratificacions.

Era cultura ei eth resultat des procèssi istorics encrotzadi des cultures concrètes. Totes. Cadua unica e irremplaçabla. Cadua resultat d'ua determinada experiéncia istorica collectiva. Inlluïda, barrejada e empeutada deth gost e deth gèni des autes. Era nòsta -soent tan precària e ablasigada- tanben.

Era extraordinària complexitat e diuersitat dera cultura catalana d'aué, era flexibilitat e voluntat enclausiua que la caracterizen, inspiren era sua adaptacion as rèptes dera globalizacion. E ei aguesta condicion actuau, daurada e concrèta dera nòsta cultura –des arts, eth pensament, er auviatge, era sciéncia, es indústries, es lenguatges, es mes-tissatges...– era que reivindicam coma punt de partida entà repensar era societat que compartim.

Era cultura ei ua hònt inacabable de recorsi entà orientar eth projècte de país e es transformacions socials qu'auràn d'acompanhar-lo.

Era cultura ei eth factor fonamentau que pòt qualificar era accion politica e omenir es objectius de l'economia.

Era cultura ei er espaci que hè possible eth motlatge deth guardar critic, dera opinion informada e dera participacion responsabla e comprometuda en eth debat public.

Èster mès informadi e èster mès cultes mos harà mès competenti. Èster mès capables, personalaments e collectiuaments, d'autrejar sens as estimulacions constants qu'era realitat mos proporcione, mos harà mès liures.

Entà convertir aquestes consideracions en ua intencion, entà poder impulsar-la e hèr-la possible, mos cau toti es estruments de que dispòsen tantes d'autes cultures qu'admiram pes sues capacitats e qualitats. Per açò, pr'amor qu'era cultura sigue eth nèrvi e era sang dera Republica, mos prepausam participar en eth referendum dera pròpleu u d'en octubre e convidam tota era gent que respècte e s'estime era cultura a votar.

Pera democracia.

Pera nòsta condicion de subjècte politic sobiran.

Pera libertat.

Pera confidança responsabla en eth pròpri futur.

Per un vòt decidit e sense complexès ara cultura e pera cultura.

Barcelona, 25 de seteme de 2017